

- Tales rectores sunt populusque tuus.
 Strata frequens est hospitibus Romana dolosis,
 Roma dolis plena est, experiendo scio.
 15 Si tibi quid remanet, quod non rapuere dolosi,
 Subripiet dolus hoc: experiendo scio.
 Illic invenies oracula Delphica semper,
 Ambiguosque deos, experiendo scio.
 Quisquis habet causam: det munera, scripta requirat,
 20 Ad firmamentum suscipit ambigua.
 Ut facile infirmet quicquid firmaverat ante
 Scriptor, ab adversa munera parte ferens.
 Proh dolor atque pudor! pudor omnis religionis!
 Omnibus in tanto Roma fit obprobrio.
 25 Ut clament cuncti: Romae venalia cuncta,
 Pervertique illic omnia muneribus.
 Dicat idolatram cum Babilon tibi Paulus avarum
 Non es avara quidem tu, sed avaricia.
 Et sapiens perhibet nil esse scelestius illo,
 30 Venalem qui habet seque animamque suam.

XV.

- Mos est Romanis in causis cottidianis,
 Si sonat ante fores bona vita, scientia, mores,
 Non exauditur; si nummus, mox aperitur.
 Audito nummo, quasi viso principe summo,
 5 Dissiliunt valvae, nihil auditur nisi: 'salve!'
 Accurrunt turbae, tota fit plausus in urbe,
 Papa simul plaudit, quia nemo libencius audit.
 Nummus procedit, loquitur, pater audit, oboedit,
 Omnia concedit, sine testibus omnia credit,
 10 Quicquid vult, praestat, tamen haec distinctio restat,
 Ut bene pensetur, nummatus in igne probetur.
 Ignibus exustus colitur pro martyre iustus;
 Sique rogarentur, Pauli prius ossa darentur.
 Grator est Petro, redit omnis gratia retro
 15 Ne petat abscessum, pater hunc vocat ilico fessum.
 Atque manu captat, captum vicinius aptat,
 Parte locat dextra; sed pauper truditur extra.
 'Accipe!' 'sume!' 'cape!' tria sunt gratissima papae.
 'Nil do', 'nil praesto', nequeunt succurrere maesto¹.

16: h— 17: delfica. 25: rome. 27: ydolatram.
 XV. fol. 3 r. col. II. 5: nichil. 8: obedit. 10: distinctio.
 12: martire. 16: captatū.

1) Verse 18 und 19 auch in Carm. bur. XXIa, v. 4. 5, und 18 bei Zingerle, Sitzungsber. d. Wien. Akad. 1866, Bd. 54, S. 315.